



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

FEBHERBARI/MATJHI 2014

IMITLOMELO: 70

ISIKHATHI: ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Ihlelo nokusetjenziswa kwelimi	(30)
 2. Phendula YOKE imibuzo.
 3. Funda YOKE imilayelo onikelwe yona ngokuyeleta okukhulu.
 4. Thoma isigaba ESINYE NESINYE nombuzo OMUNYE NOMUNYE ekhansi ELITJHA.
 5. Thalela ngemva kokuphendula imibuzo yesigaba ngasinye.
 6. Tlola iinomboro zemibuzo njengombana zinjalo ephepheni lemibuzo.
 7. Tjhiya umuda OWODWA ngemva kwependulo enye nenye.
 8. Tlola kuhle nangesandla esibonakalako.
 9. Peleda amagama ngendlela efaneleko bewutlole nemitjho ezwakalako.
 10. Isikhathi esiphakanyisweko ukutlola isigaba ngasinye.
- ISIGABA A: Pheze imizuzu ema-50
ISIGABA B: Pheze imizuzu ema-25
ISIGABA C: Pheze imizuzu ema-45

ISIGABA A: UKUFUNDA NOKUZWISISA**UMBUZO 1**

Phendula imibuzo engaphasi kweengatjana zombili, u-1.1 no-1.2.

1.1 Funda itheksti engenzasi bese uphendula imibuzo elandelako.

UKUTHUTHUKISA ILUTJHA ELINGANAMAKGHONO

Enarheni yeSewula Afrika ifundo ivuleleke woke umuntu begodu abentwana banikelwa nokudla ngeenkolweni. Lokho akuliqedi izinga eliphezulu labentwana abatholakala bangakafundi. Kuseseneentjhijilo ezinengi inarha esaqalene nazo, ezifaka hlangana ilutjha elinefundu ephasi nelinganazo iintifikheyithi zeGreyidi le-12. Lelo elineentifikheyithi zeGreyidi le-12 alisebenzi kanti nalelo elineziqu zamazinga aphakemeko wefundu litlhoga ijayelo lomsebenzi. Kanengi ilutjheli ngilo elibonakala lizele eentaradeni zenarha le litjhagala, limotjha imakhiwo nepahla karhulumende ngombana lithi akalihlomisi ngokulithuthukisa ngamakghono begodu akalivuleli amathuba wemisebenzi. Nanyana kunjalo urhulumende akakasongi imikhono ngombana ulinga ngokusemandleni ukobana alethe amahlelo ahlukahlukene ko wemisebenzi aqothele ukuthuthukisa ilutjha eliseendaweni zemadorobheni nezemakhaya.

Ngomnyaka we-2010 umNyango wezokuThuthukiswa kweeNdawo zemaKhaya nokuBuyekezwu kweNarha wasungula ihlelo le-National Rural Youth Service Corps (i-NARYSEC) onqophe ngalo ukuthuthukisa amakghono welutjha okuqalelwu bona lizokuvula amathuba wemisebenzi. UmNyango lo unikelaabantu abatjha amathuba wokusebenza emiphakathini ebaahlala kiyo. Ihlelweli linqotjhiswe ebantwini abatjha nemikhakheni yabakhubazekileko, abahlangana neminyaka eli-18 kufika kwema-35 nalabo abaphumelele iGreyidi le-10. Ihlelweli lizokusiza abantu abatjha ngokubafumbathisa ilwazi lethiyori nelokufunda ngokwenza ukuze likwazi ukuzivulela amathuba wemisebenzi belivulele nabanye abantu emiphakathini abahlala kiyo. Ilutjha elizokuphumelela ehlelweneli lizokusatjalaliswa emiNyangweni ehlukahlukene ko karhulumende ukuyokubandulelwu amabizelo wamambala belithole neentifikheyithinofana iziqu zemisebenzi leyo.

Omunye walabo abahlomulileko ehlelweneli, nguJabulile Ntuli ovela kumasipala weThembisile Hani. Yena ke ute, ukunikelwa kwakhe ithuba lokuba ngomunye wabafundaba kumenze waba nokuzithemba bewabuyelwa sithunzi sokubamSewula Afrika ozikhakhazisako. Unikelwe ithuba lokubuyela emphakathini ahlala kiwo ayokufundisa abanye ngamakghono awatholileko. Urage ikulumakhe wathi, 'Soloko ngathomia ukubandulwa ehlelweneli, angisazinyazi nangihlangana nabangani bami abasebenzako ngombana inyanga nayiphelako nami nighleka njengabo, ngebanga lomrholo engiwutholako, nanyana kungasimrholo otheni nje kodwana kuyabonakala bona kukude lapha ihlelweli lisa ilutjha lekhethu khona'. Uragele phambili wathi, 'Ngiyazikhakhazisa ngenarhekhetu le begodu ngilinde ngamehlwabovu ukuzibona nginekghononofana iziqu zokwakha iindlela ezikulu nezindlu ezisezingeni eliphezulu nelithuthukileko'.

Elinye ihlelo elisungulwe ngemva kwemikhulumiswano ye-G20 eyayibanjelwe eFrance emnyakeni we-2011, liHlelo lemiSebenzi yomPhakathi (i-HSP). Ngehlelweli urhulumende uvule amathuba wemisebenzi akhambisana nomnqopho wokutjhugulula ubujamo bezomnotho. Ihlelweli lihlonyelwe ukuthuthukisa nokuhlumisa inarha yekhethu le ngemisebenzi ethe tjha. Ngehlelweli kulingwa ukufikelela umuntu munye omutjha kabahlana onobudisi bokuthola umsebenzi ngebanga lokutlhoga ikghono nejayelo lomsebenzi. Ngaphasi kwehlelweli urhulumende ngokubambisana nomNyango wezaManzi newezeBhoduluko uragele phambili wenabisa iinyawo zaho wahloma elinje iHlelo eliNatjisiweko lemiSebenzi yesiTjhaba (i-EPWP), lapha anikela khona abantu abatjha amakghono wokwakha izindlu zama-RDP, ukukhandela imililo equbuka emmangweni, ukuvikela ibhoduluko ngokususa iintjalo ezilikhula nezingasizo zendabuko nokuhlwendisa ibhoduluko. Ihlelweli lithome ukusebenza ngomnyaka we-2011 begodu lilindeleke bona liphele ngomnyaka we-2012.

abantu abahlomule ngaphasi kwehleweni basatjalaliswe nenarha le begodu babonakala lula ngezembatho zabo zombala o-orientji, ezinemitlolo ethi, EPWP ngemva, kuthi abanye bambathe zombala ohlaza sasibhakabhaka. UThobile Mgungi osebenza ehlelweneli ukwakwazele wathi, 'Ngiyathoma ukusebenza bengivule ne-akhawundi ebulungelweni soloko kwaba ngimi, njeke ngithokoza isizo lakarhulumendeli.' Uragele phambili nekulumakhe wathi, 'Namhlanje ngikwazi ukubeka uburotho etafuleni begodu sele ngiqede isifundo sokwakha eKholiji ye-FET esePitor'. UmNyango wezeFundo esiseKelo nawo awukazibeki phasi ngombana ufake isandla wahloma iJima lawo lakaWokewoke lokufundisa nokutlola elaziwa nge-Kha Ri Gude.

Ihlelo le-Kha Ri Gude libandakanye ilutjha elisebenza ngokuzinikela ekufundiseni abantu abadala. Ngejimeli urhulumende ulinga ukufezekisa isithembiso sakhe sokobana emnyakeni ezako ubunengi babantu abadala bakwazi ukufunda nokutlola, khulu khulu ababedinywe amathuba ngesikhathi sombuso webandlululo. Ngokuzinikelelokhu abantu abatjha bazibeka emathubeni amahle wokufumana umsebenzi wasafuthi. Kungebangelo urhulumende agandelela bona abantu abatjha abasikime bajame ngeenyawo, bazibandakanye emahlelweni la ukuze iminqopho yawo iphumelele ukwenzela bona iSewula Afrika ibe yinarha engcono nezele ngamathuba wemisebenzi pheze kizo zoke izakhamuzi zenarha le.

[Ithethwe ephephandaben leVuk'uzenzele lakaNobayeni 2011]

- | | | |
|-------|---|-----|
| 1.1.1 | Tlolol imiraro EMITHATHU evezwe ethekstini, engunobangela wokobona abantu abatjha bangakghoni ukuqatjheka emisebenzini. | (3) |
| 1.1.2 | Ngokuya kwetheksti engehla le ngisiphi isizathu esenza bona ilutjha ligcine sele limotjha ipahla karhulumende? | (2) |
| 1.1.3 | Ukuya ngetheksti engehla le uyini umnqopho wokusungulwa kwehlelo le-NARYSEC? | (1) |

- 1.1.4 Ngikuphi okufanele kwenziwe ngilabo esele bahlomule emahlelweni karhulumende la ukuze basize imiphakathi abahlala kiyo? (2)
- 1.1.5 Ucabanga bona kungebangalani urhulumende anikela ilutjha elikhubazekileko amakghono? (2)
- 1.1.6 Ngokwendatjaneni le kuthiya ilutjha eliphumelele emahlelweni la lizokusatjalaliswa eminyangweni eyahlukahlukene ko karhulumende. Hlathulula bona urhulumende uyokusizeka njani ngamakghono azabe awaphe ilutjhel. (2)
- 1.1.7 Khetha ipendulo ekungiyo kezingenzasi.
- Urhulumende ngehlelo lakhe alisungulileko le-Kha Ri Gude unqophe:
- A Ukuthuthukisa abantu abatjha nabadala ngokubahlumisa ngemali.
 - B Ukuthuthukisa abantu abatjha ukobana bakghone ukufunda nokutlola.
 - C Ukuthuthukisa abantu abadala ukobana bakwazi ukutlola nokufunda.
 - D Ukuthuthukisa abantu abatjha bona bakghone ukutjhayela. (2)
- 1.1.8 Phendula umbuzo ongenzasi ngo**Liqiniso**nofana **Akusiliqiniso**. Nangabe umutjho lo uveza okungasiliqiniso, tlola oveza iqiniso.
- Umnqopho omkhulu karhulumende ngokuletha amahlelo avezwe ethekstini engehla kunikela izakhamuzi zenarha imali ukuze zingasatjhagali, zibonakale zimthwalo kuye. (2)
- 1.1.9 Nange uphiwe ithuba lokuba mtjheji wamahlelo karhulumende la ngikuphi ongakwenza ukuqinisekisa bona awafeleli ayadzimelela begodu aba neragelo phambili. Ipendulo ayibe MUMUTJHO. (2)
- 1.1.10 Ngokubona kwakho ingabe iindlela ezenziwa ngurhulumende zokulwisana nokutlhogeka kwemisebenzi ebantwini abatjha ziyananelisa na? Sekela ipendulwakho uqalise elwazini onalo. (2)

1.2 Qalisisa isithombe esingenzasi bese uphendula imibuzo elandelako.



[Zithethwe ku-inthanethe yomNyango wezaManzi newezeBhoduluko]

- 1.2.1 Tlola ibizo lehlelo elisungulwe ngurhulumende elibonakala eenthombeni ezingehla. (1)
- 1.2.2 Ngokuqalisisa iinthombe ezingehlezi, tlola OKUTHATHU okusetjenziselwe ukuzivikela. (3)
- 1.2.3 Ucabanga bona iinsebenzi ezivezwе ngehlezi ngezawuphi umhlobo wabantu? Sekela ipendulwakho ngelwazi onalo. (2)
- 1.2.4 Ucabanga bona ngikuphi okungaba nobungozi ngehlangothini lezamaphilo wabantu abasebenza eenthombeni ezingehla nange bangakafaki iisetjenziswa zokuzivikela ozitlole ku-1.2.2 ngehla. Tlola KUBILI. (2)
- 1.2.5 Ngokuyeleta okubona kusenzeka eenthombeni ezingehla nalokho okufunde ethekstini, tshwaya ngelihlo elihlabako bona ingabe loke ilutjha lanamhlanjesi lizimisele ukubambisana nemizamo karhulumende esitjelwa ngayo nesiyibonako le? (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksti engenzasi bese uyirhunyeza ngokwemiyalo elandelako.

IMIYALO:

1. Ngamagama angadluli kwama-70, rhunyeza uveze amaphuzu ali-7 nofana indima ngemiphumela emimbi eya lethwa mbuso webandlululo ebantwini abanzima (tlola ngemitjho epheleleko).
2. Nangabe utbole imitjho, nombora imitjhwako kusukela kewoku-1 bekufike kewe-7.
3. Umutjho owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho, ungabuyeleti utbole njengombana kutloliwe endatjaneni.
6. Tlola inani lamagama owasebenzisileko ekupheleni kwesirhunyezo sakho.

UKUNGALINGANI KWABANTU ESEWULA AFRIKA

Soloko kwangomnyaka we-1994 iSewula Afrika iyinarha enekululeko, lapha abantu bomhlobo woke banamalungelo alinganako. Amalungelo gade angekho embusweni webandlululo. Inarha le inomlando webandlululo nokwehlukana okwalethwa kubuswa lidlanzana labamhlophe ebelibandlulula inengi labantu abanzima. Sibonile indlela abantu bobuhlanga obuhlukahlukene ko ebebahllala ngayo eendaweni ezahlukene ko. linkolo neembhedlela bezamukela abantu ukuya ngokombala. Abantu abanzima bebangakavunyelwa ukungena eendaweni zokuzithabisa nabantu abamhlophe.

Abantu abafundileko ngibo ebebfumana imisebenzi emihle nebhadelako. Ifundo ehle nokubandulwa bekubiza khulu. Abantu ababelethelwe emakhayeni anobujamo beemali obungasibuhle bebanganawo amathuba wokuthola ifundo ehle. ESeewula Afrika ubujamobu bangezelwelwa mthetho webandlululo ebewusekelwa mThethokambiso wokuninana ngokobuhlanga kwezfundo nokwabelwa kwemisebenzi. Amanye wamabizelo bekabelwe abantu abamhlophe kwaphela. Umthetho ophathelene nemisebenzi yezeeMayini we-1911 bewukatelela abantu abanzima beSewula Afrika ukusebenzela imali encani begodu ngaphasi kobujamo obuyingozi.

Eminyakeni emakhulukhulu eyadlulako, abomma bebanganalawulo ngobuphilo babo. Abobaba bebanamandla wokuphatha embusweni, eendaweni zemisebenzi nemakhaya. Kodwana kukhulumnyaka we-18, izinto zathomha ukutjhuguluka. Abomma bathoma ijima lokuziveza eenkhundleni ezihlukahlukene ko emiphakathini begodu lokho kwabeletha ukulingana ngokwamalungelo phakathi kwabomma nabobaba. Umsekeli nomgqugquzeli wokuthoma wokulingana phakathi kwabomma nabobaba bekaqalelele khulu amalungelo asisekelo afana nelungelo lokuvowuda. Ngemva kwamakhetho wangomnyaka we-1994 weSewula Afrika umbuso wathatha amagadango ahlukahlukene ko wokubeka abomma eenkhundleni nokuthuthukisa ukulingana ngokobulili.

Ukuya ngomThethosisekelo weSewula Afrika abentwana abangaphasi kweminyaka eli-18 bafanele bavikelwe ekuqatjhazweni baqatjhi nokusetjenziswa ngaphasi kobujamo obunobungozi obungabakhandela kobana baye esikolweni, babe nepilo ehle, bathuthukiswe ngokommoya nangokwezehlalakuhle. Nanyana kunjalo kusabonakala abentwana bahlukunyezwu ngokusetjenziswa imisebenzi engasisemthethweni nengaphezu kwamandlabo. Lokhu kubonakala khulu khulu eendaweni zemaplasini, lapha benziwa khona amakhobongo ngokubasebenzia imisebenzi engakaphephi nengalimaza amaphilwabo.

Ekadeni bekuzwisa ubuhlungu ngombana nawukhubazekileko bebakubuza bonyana uzokusebenza njani ukhubazekile nje. UmThethosisekelo wenarha ukubeke kwakhanya bona abantu abanzima abaphila nokukhubazeka okuhluwahlukueneko bafanele banikelwe itjhejo nabo. Kufanele babekwe eenkhundleni zokuphatha bangaqalelwu phasi ngobujamo bepilo yabo. Woke amatjhuguluko abonakalako la amiphumela woMbuso weNtando Yenengi.

[Ikhutjhwe ku-*Understanding Social Science Grade 8*, yatjhugululelwu esiNdebeleni]

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**

Qalisisa isikhangiso esingenzasi bese uphendula imibuzo elandelako.

ISIKHANGISO

SIZANANI
HOTEL






Thola ilwazi elaneleko ku: www.alongriverridge.com
nofana desela ku: 013 947 0001, 089 777 9999
ISIPHANDE SE-IMEYILI: alongriverridge@webmail.co.za

"LALA UPHUMULE..."
 "DUDA KAFUTHUMELEKO..."
 "KWEHLA ESIPHUNDU..."

"R200 KWAPHELA"

- 1. Bhadela ama-R200 nawulala amalanga ama-5 kwaphela.
- 2. R400 ubusuku bunye.
- 3. Ivikeleko lekoloyi alikho.

- 3.1 Tlola inani lemali elibhadelwa ngobusuku obubodwa. (1)
- 3.2 Ngokuyeleta isikhangiso esingehla dzubhula ibinzana lamagama obona ngathi lingakwenza ufikelwe kukwaneliseka nokuthokoza nange ulele ehotela engehla. (1)
- 3.3 Tlola umbandela OWODWA osesikhangiswenesi ongakwenza ungafuni ukuzibona ulele ehotela le. (1)
- 3.4 Nawuyeleta isikhangiswesi ngiziphi izinto ezikhangisiweko ezenza ihotela le ibe ngeyezinga eliphezulu. Tlola OKUKODWA. (1)
- 3.5 Ingabe isitativende esilandelako **siliqiniso** nofana **akusiliqiniso**. Sekela ipendulwakho ngephuzu ELILODWA.

Ihotela le yakhiwe eduze nendawo yokududa emagegana nelwandle. (2)

- 3.6 Ngokuyeleta isikhangiso esingehla, tlola umqondo olethwa libinzana lamagama athi, 'kwehla esiphundu'. (2)
- 3.7 Tshwaya ngelihlo elihlabako umnqopho welimi elisetjenziswe bakhangisi ngokusebenzisa amagama athi 'R200 Kwaphela' esikhangiswenesi. (2)

[10]

UMBUZO 4

Qalisisa ikhathuni engenzasi bese uphendula imibuzo elandelako.

IKHATHUNI

- 4.1 Amagama athi, 'Nibekwa umlandu wokudunyuzwa benibulawe mapholisa' asetjenziswe ekhathunini le anqotjhiswe kibobani? (1)
- 4.2 Tlola okubonakala ekhathunini engehla okutjengisa bona umuntu ojamileko lo ukhambisana naloya ongekolojinyi? (1)
- 4.3 Qalisisa ikhathuni engehla le utole bona inqotjhiswe kisiphi isehlakalo. Tlola ipendulwakho ngokurhunyeziweko. (2)
- 4.4 Zalisa ngependulo ekungiyo kezinikelwe ngenzasi.
Isehlakalo esikhonjiswe ekhathunini engehla le sadlula nemiphefumulo e ...
 A lithoba.
 B matjhumi amathathu nane.
 C makhulu amathathu nane.
 D matjhumi amane nantathu. (1)

4.5 Khetha ipendulo enembako kezingenzasi uqedelele umutjho olandelako:

Amagama womuntu ojamileko ekhathunini engehla le amumethe umqondo woku ...

- A kwakwazela amapholisa ngesenzo sawo.
- B sola amapholisa ngesenzo sawo.
- C vikela amapholisa ngesenzo sawo.
- D beka amapholisa umlandu ngesenzo sawo.

(1)

4.6 Ucabanga bona ngiwuphi umqondo ofihlakeleko omumethwe libinzana lamagama asetjenziswe ekhathunini le athi, 'Nangathana i-NPA ilisiwe yangaphenywa ngabe ...'?

(2)

4.7 Ngokwazi kwakho ungathi ngiwaphi amagama asisaga ekhathunini engehla le begodu ahlathulula ukuthini ngokwekhathuni le?

(2)

[10]

UMBUZO 5

Funda itheksti engenzasi bese uphendula imibuzo.

'Ngifuna ukumlinda namhlanje uZondani,' kutjho uVelephi ngehlizyo ebuhlungu nenebarasi. Bekufike isikhathi sokobana kulalwe soloko uZondani angakafiki. UVelephi ahlambise abentwabakhe bekabalalise. Athi angabalalisa, athele amanzi aqophe. Nakaqedako athathe izezelo zamakuwa ahlale kuhle phambi kwesipili azele. Athome ngokukama kuhle iinhluthu zakhe zithi nazithe thwi inga ngezikanozi avule idlelwakhe *ye-make-up*, Azithintithe ngayo.

Athi kanti uzijayele anzinyana, azibone sele alikhuwana. Ekugcineni agcine ngokuzesazesza umlomo ube saketezi. Athi khi ngamacici agcina ukuwafaka mhlana atjhadako. Eqeleso ngerogo aliphewe nguDudu oliLunga lesibethamthetho sesifunda. UVelephi nakufuze bona aphume, aye kwahlizyo ngise, enze okungakajayeleti. Azihlalele angaya ndawo.

Libethe i-iri letjhumi ebusuku, do ukufika uZondani. UVelephi uhlezi akakalali ulindile. Unande ayoziqala esipilini. Wagcina kade asese litlawana ukuba nje. Abuye azokuhlala etafuleni ngemva kobana aziqalisisele bona usesemuhle. Ngemva kwe-iri letjhumi nambili, wayokubhambhalala embhedeni, akhange ahlubule. Uvele waziphosela anjengopopana njalo. Nombhede akhange awendlale, kubonakale bona uyalala. Nanyana besele bumsahlela ubuthongo, wazibamba. Akhange bumehlule. Lento anqophe ukuyitjengisa usobentwabakhe uzmisele ngayo. Angamane ambulale akunandaba.

5.1 Buyelela utlole umutjho ongenzasi ube sesikhathini esadlulako.

UVelephi uhlambisa abentwabakhe abalalise.

(1)

5.2 Buyelela utlole umutjho olandelako uveze umqondo wokuphika.

Kubonakale nombhede awendlulile.

(1)

- 5.3 Tsomula igama elibolekiweko emutjhweni ongenzasi.
 UVelephi unande ayoziqala esipilini azithintathintithe nge-*make-up*. (1)
- 5.4 Emutjhweni ongenzasi tlola umhlobo wepambosi yesenzo esetjenzisiweko.
 Ekugcineni agcine ngokuzesazesza umlomo ube saketezi. (1)
- 5.5 Sebenzisa igama eliphikisana nelithi '**itlawana**' elisetjenziswe emutjhweni ongenzasi, uzakhele ngalo umutjho ozozitlamela wona.
 UVelephi wazeza nge-*make-up* bewakhumbula ngesikhathi asese itlawana. (2)
- 5.6 Ngokuyeleta imithetho yokutlola nokupeledwa kwamagama tlola ibinzana lamagama athalelwoko ethekstini engehla ngendlela efaneleko. (2)
- 5.7 Thatha isitjho 'ukuya kwahliziyi ngise' usisebenzise emutjhweni ozitlamele wona kuvele bona uyayazi ihlathululo yaso. (2)
[10]

IMITLOMELO YESIGABA C: 30
INANI LOKE: 70